

Powšitkowne WOZJEWJENJA

njedźelu, 21. oktobra 2018

Přiležnosć k swjatej spowědźi w Róžeńće

sobotu, 27. oktobra 17.00 – 18.00 hodź.	farar M. Anders, farar B. Jakubaš farar D. Dzikiewicz, T. Dawidowski
póndźelu, 29. oktobra 17.00 – 18.00 hodź.	farar M. Anders, farar G. Warnar, farar D. Dzikiewicz, farar J. Magiera
wutoru, 30. oktobra 18.30 – 19.30 hodź.	farar M. Anders, farar D. Dzikiewicz, farar M. Kleiner, farar S. Foelz

TCM „Łužica pomha“ – Pomocna akcija za Pólsku a Ukrainu

Towarstwo Cyrila a Metoda z.t. (TCM) chce lětsa ze swojej akciju „Łužica pomha“ znowa dom za samostejace žony z dźěćimi w Elku w sewjerneje Pólskej podpěrać. Tam wjesela so nade všěm, štož w swójbje trjebaš. Direktor Charity Elkskeho biskopstwa, farar dr. Dariusz Kruczyński, rjekny, zo su z tym potajkim drasta, črije, hygieniske artikle a kosmetika za žony a dźěći měnjene, ale tež płokanski próšk, kuchinske graty, pampersy za dźěći runje tak kaž za dorosćenych. Wotedać móža so pakćiki nimo štwórtka, 1. nowembra, wot póndžele, 29. oktobra, do pjatka, 2. nowembra, wot 16 do 18 hodź., sobotu, 3. nowembra, pak wot 9 do 12 hodź. w Zejicach pola Špitankec, Kamjenska dróha 10. Nimo toho chce TCM pólskeho duchowneho Paweła Staniaszeka, přecela fararja dr. Kruczyńskeho, w jeho skutkowanju za dźěći a młodžinu w ukrainskim měsće Perwomajsk z pjenježnym darom podpěrać. Tutón młody duchowny skutkuje tam kaž Don Bosco. Stara so wo dźěći, kotrež su na dróze žiwi abo kotrež pochadzeja ze socialnje słabych swójbow. Kóždy sobotu skići jim tak mjenowanu sobotnišu šulu. To woznamjenja, zo móža dźěći tam pisać a čitać, ale wosebje tež čłowječu zhromadnosć nazhonjeć. Farar Staniaszek pochadza z Elkskeje diecezy, skutkuje pak hižo wot swojeje měšniskeje swjecizny 2013 jako duchowny w Ukrainje. Farar dr. Kruczyński je sobustaw TCM. Pjenježne dary za wudžeržowanje sobotnišeje šule a trěbne wobnowjenje jeje rumnosćow, za kotrež wustaji TCM darowanisku kwitowanku, móža so tohorunja pola Špitankec, dale w Budyskej redakciji Katolskeho Posoła, pola Moniki Kraloweje w Boranecach abo Rafaela Ledźborja w Ralbicach wotedać abo na konto towarstwa přepokazać: Cyrill-Methodius-Verein e.V., IBAN DE 65 750 90 300 000 828 23 66, hesło: „Ukraina“.

Serbske kemše w Drježdžanach

Drježdžanscy Serbja, jich přiwuzni a přeceljo su na maćernorěčnu Božu mšu z fararjom Gabrišom Nawku tutu njedźelu, 21. oktobra, w 16.30 hodź. do cyrkwy swjateho Antonija w Drježdžanach-Löbtauwje, Bünauska dróha 10, přeprošeni. Po kemšach scěhuje serbska bjesada w tamnišej wosadnicy.

Kermuška młodziny

Wšitcy katolscy serbscy młodostni su wutrobnje na kermušku Chróšćanskeje wosa-dneje młodziny přeprošeni. Tuta budže pjatk, 26. winowca. Započatk je w 19.00 hodž. z Božej mšu w cyrkwi. Přizamknje so zabawa.

Přednošk wo reformaciji w Hornjej Łužicy

Hornjołužiski zwjazk Carity přeprošuje wšitkich na přednošk kapłana dr. Jensa Buliša we wobłuku zjawneho džela sobustawskeje zhromadźizny zwjazka sobotu, 27. oktobra, w 10.30 hodž. w internacie Budyskeho šulskeho centruma Carity, Před šulerskimi wrotami 21. Kapłan dr. Buliš předstaji historiske wosebitosće reformacije w Hornjej Łužicy.

Poswjećenje pomnikow

Swjatočne poswjećenje pomnikow blisko Kamjeneje, kotrež na zhubjenu wjes Hronow dopominaja, budže srjedu, 31. oktobra, w 14 hodž. Chór Meja nyšpor wobrubu. Wšitcy su wutrobnje přeprošeni.

Na měrowy swjedzeń!

We Wostrowcu planuja za sobotu, 3. nowembra, wječor znowa měrowy swjedzeń. To je reakcija na předwidžane wospjetne zetkanje neonacijow pod heslom „Schild und Schwert“ we Wostrowcu. Derje by było, hdy by so prawje wjele serbskich młodostnych na měrowym swjedženju wobdžěliło. Nadrobnosće sčasom wozjewimy. Chcemy sej tam zhromadnje doječ. *Farar Gabriš Nawka, dekanatny dušepastyr młodziny*

Seminar k přihotej na mandželstwo

Přizjewjenja za seminar k přihotej na sakrament mandželstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatnym dušepastyrstwe w Worklecach. Formularj k tomu su w cyrkwach wupožene.

Žarowanski kruh

Regina Krawcowa ze Smječkec a Tomaš Pěčka ze Sernjan poskićitaj přeni serbski žarowanski kruh. Wonaj staj kurs na žarowanskeho přewodžerja absolwowałoj. Štwórtek, 8. nowembra, chcetaj zhromadnje z dr. Ludmilu Lajderowej z Drježdźan přeni tajki serbski kruh wutworić. Předwidžane je, zo so tutón hač klětu do jutrow wosom króc w Chróšćanskej putniskej hospodze zetka.

Eksercicije za Serbow – Boži Duch wožiwja

Kotry duch nas wjedže? Mje wosobinsce, moju swójbu, w powołanju, w towaršności, w tutym času? Wo tutech prašenjach budu na eksercicijach za Serbow wot pjatka, 9. nowembra, wječora hač do njedzele, 11. nowembra, připołdnja rozmyslować. Dny rozpominanja chcedža pomhać rozeznawać mjez žiwjenja spomóžnym a žiwjenja strašnym duchom, mjez dobrymi časowymi prudami a tymi, kotrež žiwjenje niča. Přizjewjenja přijimuju pak direktnje w Exerzitienhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróšćicach na farje, telefonowe čisło (03 57 96) 8 04 00.